



KHOOS KAS PAB NYIAJ RAU KAB MOB SIB KIS RAU TEJ TSIAJ TXHU



Cov Ntsiab Lus

Khoos Kas Pab Nyiaj Rau Kab Mob Sib Kis Rau Tej Tsiaj Txhu (Pandemic Livestock Indemnity Program, PLIP) muab kev pab rau cov tsiaj ploj tuag thiab tej tsiaj muaj tis uas tuag vim los ntawm kab mob txij thaum Lub Peb Hlis Ntuj Hnub Tim 1, 2020 mus txog Lub Kaum Ob Hlis Ntuj Hnub Tim 26, 2020, vim hais tias txheej txheem kev tshuaj ntsuam xyuas tsis txaus rau thaum lub sij hawm muaj tus kab mob sib kis COVID-19. PLIP kuj yuav pab them nyiaj rov qab rau cov neeg tu tsiaj uas tsim nyog raug pab txhawm rau tej nqi poob ntawm cov tsiaj ploj tuag thiab raug hais kom muab tua faus pov tseg.

Tsev Hauj Lwm Saib Xyuas Kev Ua Qoob Loo (Farm Service Agency, FSA) tab tom lees txais cov ntaub ntawv thov kev pab rau PLIP txij thaum Lub Xya Hli Ntuj Hnub Tim 20, 2021 mus txog rau Lub Kaum Hli Ntuj Hnub Tim 12, 2021.

Leej Twg thiaj li Tsim Nyog Raug Pab?

Yuav tsim nyog raug pab rau cov nyiaj them no, cov neeg tu tsiaj (cov neeg los sis cov chaw uas muaj npe raug raws cai) yuav tsum:

- Muaj ntaub ntawv tias yog tus tswv raug raws cai ntawm tej tsiaj txhu los sis tej tsiaj muaj tis rau thaum hnub uas uas tej tsiaj ntawd tsim nyog raug

pab los sis yog tej tsiaj muaj tis uas raug hais kom muab tua pov tseg;

- Ua raws li cov cai ntawm cov kev cai kav “Kev Pov Hwm Daim Av Uas Muaj Feem Pob Tau Zoo thiab Daim Av Hav lav”, feem ntau pheed hu ua cov kev cai pov hwm;
- Tsis tau ua txhaum cai rau tej tshuaj raug txwv.
- Yog ib tug neeg pej xeem hauv Teb Chaws Meskas los sis ib tug neeg txawv teb chaws uas muaj chaw nyob raug raws cai; thiab
- Xa ib daim ntawv foos thov kev pab rau PLIP thiab qhia tag nrho tej ntaub ntawv uas yuav tsum tau sau rau raws li hais tseg rau raug pib muab tua pov tseg rau thaum Lub Peb Hlis Ntuj Hnub Tim 1, 2020, txog rau Lub Kaum Ob Hlis Ntuj

Yuav tsim nyog rau cov nyiaj them no, ib tug neeg los sis ib lub chaw uas raug raws cai yuav tsum muaj them nyiaj khwv tau los tag nrho nruab nrab (AGI) tsawg dua \$900,000 rau lub xyoo them nqi se 2016, 2017, thiab 2018. Ntawm kis uas sib koom ua lag luam thiab sib koom tes, ces txoj cai ntawm AGI kuj siv tau rau cov tswv cuab ntawm cov neeg sib koom ua lag lam thiab sib koom tes. Cov ua lag luam rau feem ntim, cov muag qaib uas tseem ciaj, thiab cov neeg cog qoob loo uas muaj ntaub ntawv cog lus lawm ces yuav tsis tsim nyog rau cov nyiaj pab ntawm PLIP.

Cov Tsiaj Txhu thiab Cov Tsiaj Muaj Tis Uas Tsim Nyog Raug Pab

Tej tsiaj txhu thiab txiaj muaj tis uas tsim nyog raug pab muaj xws li npua, qaib, thiab qaib cog txwv vim hais tias USDA yeej tau txiav txim lawm tias cov neeg tu tej tsiaj txhu thiab tej tsiaj muaj tis hom no raug ntsib kev txom nyem thiab poob nyiaj txiag rau qhov tej tsiaj tshuav tsawg vim hais tias tias tsis muaj kev tshuaj ntsuam xyuas txaus rau thaum lub sij haw muaj tus kab mob COVID-19 sib kis.

Tej tsiaj txhu thiab cov tsiaj muaj tis uas tsim nyog raug pab yuav tsum Hnub Tim 26, 2020, vim hais tias tias tsis muaj kev tshuaj ntsuam xyuas txaus rau thaum lub sij haw muaj tus kab mob COVID-19 sib kis. Tej tsiaj txhu thiab tej tsiaj muaj tis yuav tsum muaj nyob rau hauv Teb Chaws Meskas tiag los sis ib cheeb tsam hauv Teb Chaws Meskas rau thaum lub sij hawm raug hais kom muaj tua pov tseg thiaj li yuav tsim nyog raug pab.

Tej tsiaj txhu uas tsim nyog raug pab tsis suav rau tej npua uas raug hais kom muaj tua pov tseg ua ntej yug (ua ntej xya me nyuam)


Yuav Thov Li Cas

Cov neeg tu tej tsiaj txhu thiab tej tsiaj muaj tis uas tsim nyog raug pab thov rau PLIP yuav tsum tau sau daim ntawv foos FSA-620 kom tiav, daim ntawv thov kev pab rau qhov Khoos Kas Pab Nyiaj Rau Kab Mob Sib Kis Rau Tej Tsiaj Txhu thiab muab nws xa mus rau FSA ib lub chaw lis hauj lwm hauv ib cheeb tsam. Daim ntawv thov kev pab uas sau tiav yuav tsum muaj tag nrho tej yam xws li nram qab no:

- Daim Ntawv Thov Kev Pab FSA-620, Daim Ntawv Thov Kev Pab Rau Qhov Khoos Kas Pab Rau Tej Tsiaj Txhu Raug Puas Tsujaj (Livestock Indemnity Program, LIP)
- AD-2047, Neeg Qhua daim Ntawv Qhia Qhov Tseeb, rau cov neeg qhua tshiab los sis cov neeg qhua qub uas xav kho lawv tej ntaub ntawv dua tshiab
- CCC-902, Daim Qauv Ntawv Npaj Tu Tsiaj rau ib tug neeg los sis ib lub chaw uas raug raws cai
- CCC-901, Tswv Cuab Tej Ntaub Ntawv rau Cov Chaw Uas Raug Raw Cai (yog siv tau)
- AD-1026, Daim Ntawv Ua Pov Thawj ntawm Kev Pov Hwm Daim Av Uas Muaj Feem Pua Pob Heev (Highly Erodible Land Conservation, HELC) thiab Kev Pov Hwm Daim Av Hav lav (Wetland Conservation, WC)
- CCC-941, Daim Ntawv Ua Pov Thawj Txog Cov Nyiaj Tau Los Theem Nruab Nrab (Average Adjusted Gross Income, AGI) thiab Daim Ntawv Pom Zoo cia Tshaj Tawm Tej Ntaub Ntawv Nqi Se
- Yog tau thov txog los ntawm FSA, tus neeg mus koom no yuav tsum muab tej ntaub ntawv pab txhawb qhia los mus lees paub txog qhov yog tus tswv tiag ntawm tej tsiaj txhu los sis tej tsiaj muaj tis uas tau thov nyiaj pab ntawd thiab tej ntaub ntawv tau muab sau rau daim ntawv thov kev pab PLIP. Tej ntaub ntawv ua piv txwv ntawm cov ntaub ntawv pab txhawb muaj xws li tej ntaub ntawv teev tseg ntawm kws txhaj tshuaj tiv thaiv kab mob rau tsiaj txhu, tej ntaub ntawv teev tseg txog kev pub tsiaj, tej ntaub ntawv teev tseg txog cov tsiaj, tej ntawv qiv txais, tej ntawv txib yuav, los sis lwm cov ntaub ntawv teev tseg uas raug lees txais los ntawm COC.

Yuav Sau Koj Daim Ntawv Thov Xa Mus Rau Lub Chaw Twg

FSA tus neeg lis hauj lwm nyob hauv USDA Lub Chaw Lis Hauj Lwm hauv koj ib cheeb tsam yuav ua hauj lwm nrog koj los mus pab sau koj tej ntaub ntawv thov kev pab. Yuav tsum xa tej ntaub ntawv thov kev pab raws chaw xa ntawv, fej mus, nqa mus kiag, los sis xa raws hauv koo pij tawj mus. Thov hu rau koj Lub Chaw Lis Hauj Lwm ua ntej yuav xa tej ntaub ntawv thov raws hauv koo pij tawj mus yog xav paub cov lus qhia thiab xav tau kev pab. Daim ntawv thov rau PLIP thiab tej ntaub ntawv foos muaj nyob rau hauv rau ntawm farmers.gov/plip.



Kev Xav Tus Nqi Them

PLIP them nyiaj rau cov neeg tu tsiaj yog 80% rau ntawm cov tsiaj txhu los sis tsiaj muaj tis uas raug puas tsuaj thiab tej nqi uas raug muaj tua pov tseg thiab tua faus ces them raws li tus nqi toj ib tug rau hom tsiaj xws li daim ntawv qhia hauv qab no.

HOM TSIAJ TXHU LOS SIS TSIAJ MUAJ TIS UAS TSIM NYOG RAUG PAB	PLIP TUS NQI THEM TOJ IB TUG TSIAJ
Npua: cov las npua thiab cov maum npua; 451 lbs. los sis hnyav dua	\$258.57
Npua: cov maum npua, cov las npua, cov me nyuam quab, thiab cov me nyuam mom; 251-450 lbs.	\$158.88
Npua: cov maum npua, cov las npua, cov me nyuam quab, thiab cov me nyuam mom; 151-250 lbs.	\$122.10
Npua: cov me nyuam quab thiab cov me nyuam mom hnyav li; 50-150 lbs.	\$88.70
Npua: cov me nyuam npua tseem noj mis; hnyav tsawg dua 50 lbs.	\$55.31
Cov qaib: cov me nyuam qaib	\$0.32
Cov qaib: cov poj qaib nto nkauj, Cov poj qaib laus; tsawg dua 4.26 lbs.	\$2.16
Cov qaib: cov qaib tam tom zoo ci, cov poj qaib nto nkauj; 4.26-6.25 lbs.	\$3.18
Cov qaib: cov lau qaib; 6.26 - 7.75 lbs.	\$4.04
Cov qaib: cov lau qaib loj thiab loj dua; 7.76 lbs. los sis hnyav dua	\$5.31
Cov qaib: cov poj qaib nteg qe	\$4.94
Cov qaib cog txwv: cov me nyuam	\$2.15
Cov qaib cog txwv: cov nto nkauj, cov poj, thiab cov lau	\$15.57

PLIP cov nyiaj them yuav raug xam raws li cov taub hau tsiaj ntawm cov tsiaj txhu los sis cov tsiaj muaj tis uas tsim nyog raug pab raws li tus nqi them toj taub hau tsiaj hauv daim ntawv saum toj saud, thiab dhau ntawd ces mam li muab cov los faib rau cov nyiaj them uas tus tswv ntawm cov tsiaj txhu los sis cov tsiaj muaj tis uas tsim nyog raug pab tau txais los vim qhov tau muab cov tsiaj txhu los sis cov tsiaj muaj tis tua faus pov tseg raws li Feem Saib Xyuas Kev Pov Hwm Hav Zoov Hav Tsuag Hauv Lub Teb Chaws (Natural Resources Conservation Service, NRCS). Cov nyiaj them no kuj yuav raug txo los ntawm ib qho Khoos Kas Pab Khoom Noj Vim Tus Kab Mob Khaus Lauv Nam Vais Lav (CFAP 1 thiab 2) them cov nyiaj raws li tib tug nqi ntawm cov npua uas raug muab tua pov tseg.

Tsis muaj qhov txwv txiav rau kev pab nyiaj rau ib tug tib neeg los sis ib lub chaw uas raug raws cai txog PLIP cov nyiaj them.

Yuav Hu Thov Kev Pab Rau Ntawm Leej Twg

Cov neeg tu tsiaj uas xav tau kev pab txhawb ib tug-rau-ib-tug rau ntawm PLIP qhov khoos kas pab ces muaj peev xwm tiv toj rau peb lub chaw pab cuam rau ntawm tus xov tooj 877-508-8364 los mus tham ncaj qha nrog USDA ib tug neeg lis hauj lwmm kom npaj txhij los pab koj.

Yog Xav Paub Tej Ntaub Ntawv Ntau Ntxiv

Daim ntawv qhia qhov tseeb no tsuas siv rau cov hom phiaj tsis raws txheej txheem xwb; tej zaum yuav tau siv lwmm cov kev txwv nrog. Yog xav paub tej ntaub ntawv ntau ntxiv txog qhov khoos kas PLIP, mus saib hauv farmers.gov/plip los sis hu rau FSA lub tsev lis hauj lwmm hauv koj ib cheeb tsam. Yuav nrhiav lub tsev lis hauj lwmm ntawm FSA hauv koj ib cheeb tsam, mus saib hauv farmers.gov/service-locator.